

四庫全書

史部

欽定四庫全書

萬壽盛典初集卷
史部
五十九至
六十二

詳校官宗人府府丞臣寶光鼎

編修臣程嘉謨覆勘

總校官知縣臣楊懋珩

校對官學正臣李巖

謄錄監生臣于希賢

欽定四庫全書

萬壽盛典初集卷五十九

慶祝五

貢獻六

是月致仕在籍諸臣先後進獻詩冊古玩書籍

土宜等物慶祝

萬壽

上收受詩冊及書籍土物有差餘皆却之

是時致仕在籍諸臣詣

京慶祝者江湖魏闕境地雖殊頌禱謳歌尊親無二
莫不製為詩文寫成卷冊及家藏書畫古玩土
宜物產與在位諸臣後先進獻惟是慶祝之後
各旋田里別無冊籍可稽謹就三品以上耳目
見聞所及畧記如左至滿洲漢軍致仕大臣近
居

輦轂貢獻更繁古玩而外仍照原品亦進緞馬僅載
一二以例其餘其止進詩冊者竝詳歌頌卷中

不備錄焉

吏部尚書致仕

臣

宋肇恭

進

太平惠民和劑局方一部

歐晁琴趣一部

名人法書四卷

古畫三軸

文玩六件

經筵日講官起居注吏部尚書兼翰林院掌院學士

致仕臣徐潮恭

進

漢紀二套

小板名山藏四套

趙孟頫臨道德經二種

董其昌臨顏真卿書二種

壽星圖一軸

哥窑壽佛一尊

杭綾一百端

杭紬一百端

杭扇二十匣

湖筆三百枝

原任 經筵講官戶部尚書臣王鴻緒恭

進

萬壽頌一冊

銀晶大士一尊

瑪瑙壽星一尊

脂玉雙螭盃一隻

脂玉花觥一品

脂玉筆牀一對

壽字玉水盛一品

嘉窑茶盃一對

萬窑宮碗一對

嘉窑茶撇一隻

壽字嘉窑霽青茶盃四圓

宣銅案爐一座

壽山福海嘉窑茶盃一對

官窑黃壽芝一盆

硯山紫壽芝一座

天仙拱壽宋刻絲畫一軸

萬壽描金箋一百幅

壽山石圖書一對

嘉密合碗一隻

宋板唐孔穎達周易義一部

宋板唐陸德明詩經重言重意互註一部

宋板太學類編成周制度一部

宋板呂氏讀詩記一部

宋板劉敞七經小傳一部

宋板韜畧二本

宋板許慎說文解字一部

宋板孫愐唐韻一部

宋板王昭禹周禮詳解一部

宋板資治通鑑考異一部

宋板大廣益會玉篇一部

宋板唐陳子昂集一部

元板資治通鑑一部

計二十套

朝鮮板唐柳宗元文集一部

舊板子彙一部

明沈度金書華嚴經一部

明董其昌審定戲鴻堂帖二部

宋高宗御書杜詩一卷

北宋燕文貴秋山蕭寺圖一卷

北宋李公麟華嚴變相圖一卷

元趙孟頫楷書道德經一卷

元趙孟頫浴馬圖一卷

元錢選秋江待渡圖一卷

元錢選田家聚樂圖一軸

明文徵明秋林談道圖一軸

明董其昌書呂祖金丹詩一軸

明仇英大士一軸

明董其昌畫一冊

明董其昌書桃源行一冊

明董其昌書清靜經唐詩一冊

明項聖謨花卉一冊

官窑水盛一面

定窑水池一面

宣窑霽紅盤一對

宣窑把盃二對

宋製番瑪瑙香盤一面

西洋地平儀一架

西洋察量遠近儀器一箇

西洋小規矩一箇

西洋吸鐵石一塊

計吸十八觔

西洋鹽露一瓶

西洋流黃露一瓶

西洋象牙塔一件

西洋象牙簫一件

西洋鼻煙二瓶

西洋法琅鼻煙瓶三箇

西洋化五金水一瓶

西洋方石一塊

西洋羅斯瑪里諾露四瓶

西洋保心石一塊

西洋巴爾撒木阿鐔鐔克里的果一盒

西洋顯微鏡一箇

西洋寶燒瓶二箇

西洋規矩四箇

西洋古巴依巴油四瓶

西洋火漆一匣

西洋巴爾撒木油二盒

西洋葡萄酒六瓶

西洋德里亞格二匣

西洋法琅珠子三十三箇

西洋香二匣

計二塊

西洋巴爾撒木香珠十掛

西洋法琅珠二掛

原任戶部尚書臣凱音布恭

進

鞍馬一匹

散馬一匹

緞八匹

禮部尚書致仕臣許汝霖恭

進

萬壽詩百韻

黃庭堅白鶴娛賓二賦一卷

趙孟頫金丹訣千字一卷

趙雍蓮經萬言一卷

董其昌千字文一冊

董其昌仿顏真卿懷素二種一卷

文徵明西園十詠一卷

宋宣和御畫鴛鴦一幅

李龍眠壽仙像一幅

吳鎮江村漁樂圖一卷

劉松年山水一卷

趙孟頫雙駿圖一幅

董其昌夏山圖一幅

杭綾一百疋

杭綢一百疋

原任兵部尚書臣范承勲恭

進

萬壽寶瓶燈一對

蟠桃花寶燈一對

八方大理燈一對

六合寶瓶燈一對

百壽博古燈屏一架

原任刑部尚書臣阿山恭

進

舊板羣書考索十套

爾雅註疏二套

韓文全集二套

歐文全集四套

五音集韻二套

趙孟頫泥金楷書一冊

馬遠海屋添籌圖一軸

王鵬梅五雲樓閣圖一軸

沈香筆海一座

琪南香山一座

墨晶仙人一座

宋窑花插一件

宣窑萬壽碗一對

青綠古銅瓶一座

鞍馬二匹

緞十聯

原任 經筵講官工部尚書臣徐元正恭

進

泥金佛經法書全部

髮繡觀音像一軸

趙孟頫百鹿圖一軸

董其昌書彭祖頌一軸

漢白玉連環一件

銀晶壽仙一座

萬壽盤龍黃磁斗一件

原任吏部左侍郎臣李錄予恭

進

糖果八種

蔬菜八種

原任工部右侍郎臣彭會淇恭

進

宋板尚書一套

宋板柳宗元集二套

祝允明書王喬赤松頌一卷

董其昌書王貞白宮池產瑞蓮詩一軸

文徵明江閣秋雲圖一軸

仇英員嶠仙遊圖一軸

玉盃一對

漂扇四十柄

南菜二十瓶

原任內閣學士臣張榕端恭

進

書畫玉器十八種

土產食物二十七種

候補內閣學士臣王之樞恭

進

萬壽頌一冊

舊板書四部

名人字畫四種

土產食物四種

候補內閣學士臣顧悅履恭

進

萬壽頌一冊

十三經註疏一部 二十四套

漢雋一部 一套

文中子一部 一套

宋板韓愈集一部

四套

董其昌書太極真人歌一軸

李廸瓜瓞圖一軸

趙昌上苑春鶯圖一軸

八仙琥珀盃一對

漢玉爐一座

原任福建巡撫臣宮夢仁恭

進

大學衍義全部

國語全部

公羊傳全部

穀梁傳全部

硃印陰符經全部

說苑全部

端硯一方

玉硯一方

水晶瓶一座

銀晶水中丞一件

瑪瑙筆洗一件

碧玉九螭鎮紙一件

錦扇二百握

草葛二百端

桂花香四箱

芙蓉巾二百條

是月直省進士舉人貢監生員先後進獻詩冊

書畫慶祝

萬壽

上收付內閣

教習進士侍講臣文志鯨諭德臣吳廷楨率

進士臣查雲標等七十七人恭

進

萬壽詩一套共四冊

八旗教習武進士臣萬國寧等七十餘人恭
進

萬壽詩共二冊

舉人臣李長庚等六十餘人武舉臣吳士亨
等三十餘人各恭

進

萬壽詩共數十冊

御製詩集箋註等書共數十部

國子監官學教習貢生臣吳鍾芬等四十人

恭

進

萬壽詩一冊古書五部

貢生臣周崧等九十餘人監生臣王宸儁等

二百二十餘人
貢生臣呂洪等一百三十餘

人各恭

進

萬壽詩共數百冊華封三祝等圖共數十幅

提督江南學政左庶子臣胡潤率江南十四

府生員臣田多稼等五百三十餘人恭

進

萬壽詩三套共三十冊

是月直省耆老民人億萬先後詣

闕進獻詩冊畫幅五穀土宜及萬民衣萬民宴等物

慶祝

萬壽

上收五穀詩畫餘皆却之

直隸省耆民曹鳳全等恭

進泥金彩屏一架芳蘭瑞芝八缸仙花壽石八盆萬年
青一桶碧桃盆景四種千葉紅杏盆景四種宣
石盆景四架時果百盤

七省旗丁三百餘人隨通州坐糧廳德成格
恭

進彩亭四座彩旗二十四面壽同天地大蠟一對宋刻
絲八仙慶壽圖一軸萬年龍鼎一座惠泉酒一
百罈萬年青一桶吉祥草一桶古松一盤蟠桃
一樹海棠一盆玉蘭花一盆蘭花一盆蝴蝶刺
花一盆

江南省江寧府耆民趙椿如等恭

進龍衣一襲彩亭一座小菜果品壽燭等八十一盤

江南省蘇州府耆民張萬春等恭

進繡字萬民衣一件繡字福壽圖一幅位祿名壽龍扁
一架龍旂十六面宣銅五供全副大紅縐紗珠
盤龍壽燭一對常熟盆景四種五穀土宜小菜
食物一百盤

萬壽詩共三十餘冊

江南省松江府耆民莊國興等恭

進

萬壽金龍袍褂全襲刻絲龍幃一軸織金龍旂一對龍

燭臺香爐全副土宜一百盤

江南省淮揚等府耆民李茂玉等恭

進

萬壽無疆幛一架

天子萬年幛一架五穀果品八十一盤

兩淮鹽商項鼎玉等恭

進

御案寶座錦筆龍箋緞疋

浙江省耆民沈玉揚等恭

進

萬壽無疆錦幃百幅擊壤歌屏一架古佛一百尊嘉興
張爐一百箇嘉興蒲盃一百隻杭綾一百疋杭
紬一百疋小菜一百二十瓶五穀十二盤

萬壽詩共五十餘冊

兩浙鹽商江宏茂等恭

進

萬壽龍衣全襲綵緞一百疋銀二萬兩

福建山東江西河南廣東廣西六省耆民張

獻福等恭

進

萬歲嵩呼圖一軸

萬壽多寶香山一座萬民宴八十一桌土宜九十盤

山西陝西湖廣四川貴州雲南六省耆民田

畯等恭

進無量壽藏佛一尊九如圖一軸三多頌一卷土產食

物一百二十盤

山西平陽府耆民吳逢泰等恭

進

御書亭一座

上刻歷年
恩詔

萬壽採茶歌亭一座

萬壽勝會圖一軸土產食物二十四色

湖廣耆民呂永年等隨總督鄂海恭

進土產食物九十盤

通州回民百餘人恭

進鮮魚二百尾

是月外藩諸臣或親詣

闕廷或遣使入

朝畢獻方物慶祝

萬壽

上收受如常例其有加貢者皆却之

科爾沁土謝圖親王鄂爾吉圖等

烏朱穆秦車臣親王色登敦多卜等

巴林多羅郡王額駙吳爾滾等

阿霸垓多羅郡王吳爾占噶喇卜等

喀喇沁多羅都楞郡王色稜等

嵩齊忒多羅額爾德尼郡王阿噶尼思塔等

敖漢多羅郡王垂木珀爾等

奈曼多羅郡王崔忠等

喀爾喀多羅達爾漢貝勒占達古米等

阿祿科爾沁多羅貝勒汪占等

扎魯特多羅達爾漢貝勒阿達沙等

毛明安多羅貝勒班第等

蘇尼特多羅貝勒席里等

杜爾伯特固山貝子沙津等

阿霸哈納固山貝子額林陳達什等

翁牛特鎮國公索諾穆等

郭爾羅斯輔國公莽色等

克西克騰扎薩克一等台吉齊巴克扎卜等
吳喇忒公達喇瑪錫禮固山一等台吉南充
等

土默特貝子喀木哈巴雅思瑚朗圖固山一
等台吉袞濟思札卜等

鄂爾多斯貝子魯穆布固山台吉羅卜臧

扎賴特貝子特古思固山協理台吉何塔等

喀爾喀扎薩克圖汗和碩親王多羅額駙策

旺扎普等

厄魯特多羅貝勒額駙阿保等

以上共一百二十扎薩克王貝勒貝子公台

吉等皆親詣

闕廷叩祝

萬壽常貢之外又公進銀二十萬兩請建廟於熱河

詳見

加恩外藩及
名山祝釐中

厄魯特王策林旺布遣使宰桑多爾濟進

萬壽貢

喀爾喀折卜尊丹巴庫圖克圖遣使多爾濟

萬書克拖應等進

萬壽貢

朝鮮國王李焞遣使議政府右議政金昌集

吏曹判書尹趾仁等進

萬壽貢

臣等恭紀

萬壽貢獻典禮仰窺

皇上恭儉之德慈惠之仁載稽史冊聖帝明王無與倫比昔虞夏之初任土作貢周官太宰以九貢制邦國之用一曰祀貢二曰賓貢三曰器貢四曰幣貢五曰材貢六曰貨貢七曰服貢八曰斚貢九曰物貢其多寡重輕之數一以式之所用為準漢高帝十一年詔諸侯王通侯及郡常以十

月朝獻獻以口數率人歲六十三錢給獻費唐
時諸郡貢獻皆取當土所出准絹為價不得過
五十疋其後常貢之外或以端午或以南郊別
增貢款而誕聖之節昉自開元其初羣臣獻甘
露醇酎王公戚里進金鏡綬帶開元二十四年
千秋節羣臣獻寶鏡張九齡獨進千秋金鏡錄
自是以往踵事增華漸以侈費永泰大歷而後
更極浩繁宋太祖建隆二年始詔停止後稍稍

進奉遂有定額致滋耗累乾道間至有乞蠲免
聖節貢金者較之古昔奉琛獻賁之風相去奚
啻徑庭哉我

皇上享萬方之玉食受四海之共球猶且蠲維正之供
動踰億萬減外藩之貢每至再三凡所以惠愛
元元軫恤物力者歷五十餘年如一日今恭逢
萬壽昌期

白子皇孫上

萬年之觴效斑衣之舞山龍華蟲宗彝藻火粉米黼黻
之服無不備列珊瑚翡翠火齊木難琉璃夜光
之屬無不畢具典禮弘鉅情文該洽可不謂極
盛焉若夫天潢戚畹屬在懿親百爾臣工近居
輦轂或承筐篚或駕驪黃或就其家世所藏金石圖
書足供玩御者亦皆倒篋傾筥羅列而進至於
海內臣民攜持負戴相屬於道莫不製為詩歌
以道揚盛美形諸圖畫以摹繪太平凡服物器

用山肴野蔌之類盡充庭實外至奉冠帶稟正朔如蒙古朝鮮諸國稽首

闕廷畢獻方物者更不可以數計也此豈作而致之迫而應之徒侈煩費之文而繩以一定之例如唐宋以來之故事哉蓋由我

皇上德洋恩溥美利不言所以感於人心者至深且久薄海內外沐膏詠勤飲和食德歲盈五紀世逮孫曾念衣冠之榮藉耕鑿之晏安高厚覆載之

不遺苟非

帝力何以致此咸思展其報德之心而無由自達今幸逢

萬壽之期得以稍效其區區之意要皆發於中之不容已動於情之不自知而并自忘其物之微且陋也乃衆志彌切而

聖德愈謙凡所貢獻却而不御間有得蒙

聖鑒俯受一二者即已傳為異數震為非常於此益見

我

皇上體臣子民柔遠能邇之至意誠足以度越千聖遠
駕百王者也蓋不殖貨利不寶遠物

聖人之德所性固然今

萬壽貢獻

皇上雖却而弗受顧載在簡編詞煩而不汰者一以徵
四海尊親愛戴之誠一以著

九重恭儉慈惠之美垂示萬世傳之無窮云

萬壽盛典初集卷五十九

欽定四庫全書

萬壽盛典初集卷六十

慶祝六

瑞應

康熙五十二年三月天下臣民億萬雲集

闕下結綵棚數十里慶祝

萬壽自初一日至二十一日風日晴和天宇澄霽至二
十二日

大慶禮成甘霖即沛時麥苗方秀田疇霑足慶有秋

焉

先是二月初旬臣民經營規度結綵張燈錦天
繡地彌望無際畫閣飛梁川原相屬綺疏網戶
衢陌交通而典禮重大距

聖壽時日尚遠咸慮風雨載途淋浸霑漬無以光萬年
之盛典又四方臣民環集無算耆老扶杖婦孺
攜持溢巷填闔肩摩轂擊而公卿以下各以蟒
袍補服奔走執事倘衝泥霑雨何以盡萬國之

歡心乃霽旭暄妍連旬浹日比送

駕迎

鑾諸禮既集呼嵩祝華大典告成然後甘霖徐沛二十
二二十三兩日興雨祁祁既霑既足麥苗懷新
郊原綠徧焉初

皇上聞臣民建壇祈福以祝

萬壽特傳

諭旨令所在祝釐者當祈雨暘時若民和年豐毋遺萬

姓以私

一人至是甘澍應時而至臣民驚歎謂

聖心與

天心感應相通若合符節云易稱大人與天地合其德先
天而天弗違後天而奉天時書陳庶徵配於五
事曰肅時雨若曰乂時暘若曰聖時風若人事
修於下天道應於上非偶然也夫民為邦本食
為民天年穀順成歲登大有使百室盈婦子寧

國家之瑞孰有大於此者哉敢書時雨為瑞應之首

七月十七日壬戌直隸巡撫趙弘燮奏秋成大熟并進一莖三穗五穗瑞穀

上命頒示內大臣大學士九卿等傳覽

巡撫直隸等處地方管轄紫荆密雲等關隘
贊理軍務兼理糧餉都察院右副都御史世
襲一等精奇尼哈番臣趙弘燮謹

奏為恭報大有豐收分數并達萬民歡慶真誠誌休
徵以祝

聖壽事據直隸守道叅政宋起呈稱准霸昌通永二道
各移稱順天府屬秋禾收成實有十分及九分
八分不等據永平府呈報各屬收成俱實有十
分及九分八分不等據順德府呈報各屬收成
實有九分及八分不等據廣平府呈報各屬收
成實有十分及九分八分不等據大名府呈報

各屬收成實有十分據宣化府呈報各屬收成
實有十分及九分八分不等等情呈報到道轉
報到臣又據各府耆民獻雙穗三穗五穗瑞穀
百餘本六尺七尺高穀五百餘本咸稱今歲我
皇上六旬大慶雨暘時若年穀順成春間二麥大稔秋
收五穀豐登嘉禾慶產於田疇異穀徧生於阡
陌我等小民從來未見考之上古亦所稀聞皆

因

聖主愛民深切是以

上天降福繁多時和年豐共樂太平有象民康物阜益徵
萬壽無疆等情懇臣代為

進呈臣已擇瑞穀之三穗五穗者兩經摺

奏恭呈

御覽在案欽惟

皇上德邁唐虞功高義昊治臻上理猶厯

宵旰之懷民躋雍熙尚切胞與之念今春

聖壽六旬大慶更荷

恩波大沛寰區文武臣民盡沐

高深之德昆虫草木皆霑

雨露之榮凡有

曠典殊恩悉屬

天高地厚自應恒錫維皇之五福長滋宇內之太和既

時若夫雨暘爰瑞徵於年穀春登二麥已千倉

而萬箱稼穫三秋復崇墉而比櫛三穗五穗之

異披玉穗於千郊六尺七尺之奇值金莖於萬井誠自古難逢之異瑞為

聖朝特出之奇禎蓋邦隆之世則嘉瑞頻生而協應之休惟農祥為最所以苾芬黍稷爰慶

邦國之光婦子盈寧用介

君王之壽斯真

景運昌隆之攸兆而

聖主壽考之明徵將見賴及兆民皆

一人之有慶亦惟樂以天下斯萬國之咸寧從此朋酒
稱觥草野競效無疆之祝屢豐嗣續

國家益綿有道之長矣茲據各屬呈報收成分數并
據耆民叩頌嘉穀休徵等情前來臣犬馬私衷
歡慶更深理合恭疏

題報伏乞

睿覽施行

二十日內大臣大學士九卿謹

奏本年七月二十二日蒙

皇上頒示嘉禾雙岐三岐暢茂蕃碩仰見我

皇上至德同天太和育物軫恤民隱召此嘉祥稼穡早

登歲時豐稔中外交慶咸戴

皇仁臣等恭覩上瑞不勝踴躍歡忭之至

是歲恭遇

萬壽昌期年豐人壽所在官司欽奉

恩詔先後題報百歲以上老人

詔各給銀建坊旌表以昭人瑞

禮部尚書臣赫碩色等謹

題為欽奉

恩詔事准戶部咨稱戶科抄出廣東巡撫滿丕題前事
康熙五十三年十月二十二日題十二月初四
日奉

旨該部知道欽此欽遵於十二月十九日將原抄一併
移送部該臣等議得廣東巡撫滿丕疏稱三

水縣耆民羅萬祥年一百一歲高要縣耆民梁
楚環年一百三歲開平縣耆民張子標年一百
歲南海縣生員黃猶顯年一百一歲查得康熙
五十二年三月十八日恭遇

皇上萬壽恩詔內開年登百歲者題明給與建坊銀兩
欽遵在案所有百歲耆民羅萬祥等請給銀建
坊以廣

皇恩等因題請前來查康熙五十二年三月十八日

萬壽恩詔內開壽至百歲者給與建坊銀兩又會典開載壽至百歲者題明給銀建坊等語再查現行

例內壽至百歲

旌表者給與昇平人瑞字樣今該撫既稱三水縣者民羅萬祥年一百一歲高要縣耆民梁楚環年一百三歲開平縣耆民張子標年一百歲南海縣生員黃猶顯年一百一歲相應照例

旌表俟

命下之日行令該撫轉行該地方官照例各給銀三十兩聽本家自立牌坊其

旌表字樣臣部照例給與昇平人瑞字樣可也康熙五十四年正月十九日題本月二十五日奉

旨依議

是歲八旗直省及喀爾喀所屬先後

題報百歲以上老人二十有八人百歲以上老婦人五人籍貫姓名俱詳二十一卷養老條內茲錄

禮部一疏如右以例其餘不備載焉

臣聞聖人之世雨暘時若庶草蕃廡景星慶雲
揚其輝鳳儀獸舞呈其瑞雖帝王不侈嘉祥不
徵符驗不致四方荒遠竒異之物以為休徵然
而史書所紀載草野所謳吟傳之永久恒班班
可考則瑞應之所由來豈細故哉我

皇上秉聰明聖智之德致時雍風動之休自

御極以來五十餘年夙夜憂勤孜孜罔倦凡所以參贊

天地怙冒羣生者靡所不至迄今四海晏安民
多康樂物無疵癘而禎祥之應亦時在人耳目

間豈非

聖人德盛化神之所致歟往見四十二年

皇上遣儒臣祭告

南嶽修建廟宇工成之日復

御製匾額碑文懸立殿庭時嶽廟厚載門外梓樹一株

大數十圍枯已數年自奉

旨建造相度之日忽爾重榮扶疎翠藹視昔逾茂遠近
驚異以為梓材冠衆木之首衡嶽主壽星之次
今效靈獻瑞為我

皇上無疆福壽之慶顯而有徵此瑞應之見於數年前
者然也迨乎癸巳正當

萬壽之年乃於元日金蓮花盛開碧葉黃英敷榮吐艷
伴瑞英於彤墀雜靈芝於青瑣蓋是花秉中正
之德平時於夏孟始開而茲則發於歲朝抑又

奇矣若夫

萬壽聖節億萬臣民歡呼踴躍咸集

闕廷陳設供帳數十里為祝釐之舉當此之時日朗
氣清纖雲不起及

大慶禮成閱三日而甘雨滂沱田疇霑渥不先時而
降不後時而至則以時雨為天之瑞也無疑矣
若夫嘉禾瑞麥豐穰之徵偶見於史冊然雙岐
兩穗已占休嘉三岐五穗實為罕有乃黍與稷

翼之中翹然挺秀應期疊產屢呈

御覽喜動

天顏坤道資生上承天施大順之世地不愛寶托之禾
麥以顯其奇謂非地之瑞歟天地之間惟人為
貴箕疇五福壽乃居先昔人謂化國之日舒長
又曰治世之民壽今黃耆鮐背之倫服疇食德
坐享天和誠不可以數計至於年登百歲者尤
為天地篤生之奇歲不數人史難迭見乃癸巳

逢

大慶之年甲午值貞元之會而督撫先後題報兩年之中蒙

恩建坊者至數十人之多和氣致祥壽昌叶應然則百歲非人之瑞歟是皆我

皇上體天地之德立生民之命深宮繪耕織之圖郊壇有祈穀之典耆老有粟帛之賜故天降時雨地獻嘉禾而人之沐浴膏澤者亦優游於光天化

日之下而咸臻上壽也宋符瑞志云體睿窮幾
含靈獨秀謂之聖人所以能君四海而役萬物
使植動之類莫不各得其所又曰龍飛九五配
天光宅有受命之符天人之應符瑞之義大矣
自昔帝王之興羣瑞畢臻惟在上者建中和位
育之功盡裁成輔相之道張弛運量實與天地
同其流乃能畢致休祥章章若是耳彼夫明璫
翡翠馴雉旅獒未嘗不在梯山航海獻琛貢賁

之列而臣則不敢以是侈言盛世之禎符也

欽定四庫全書

萬壽盛典初集卷六十一

歌頌一 皇子

萬壽詩序

歲維癸巳時屆艷陽我

皇父御極之五十二年正

聖壽萬齡六旬花甲 臣等擬山呼而致祝效萊舞以承

歡仰

一人之有慶願

萬壽之無疆謹各為詩三章以

獻

誠

親

王

華渚虹流景運開中天雲物正昭回北辰環見
諸星拱南極光連帝座來品類歡心歸壽域乾
坤佳氣滿春臺萬年枝上宮鶯囀惠日和風徧
九垓

日新乾健慶皇躬垂拱無為致邳隆萬物生成
資厚德一人天地讓全功六旬花甲循環轉五
紀恩波遠近同不用廷臣金鏡進共知宵旰在

深宮

綵衣共進躋堂觥嘉節喧闐鳳吹聲帝錫萬年
天子壽史書三月聖人生詩賡保定輿情切瑞
集箕疇福履成更喜早朝長樂近春風扶輦傍
花行

雍

親

王

紫禁春深麗景融
蓬萊仙仗五雲中
瞻天有喜承顏近
祝聖無疆拜手同
滿獻堯樽凝瑞露
和鳴舜樂應薰風
待看甲子周千億
共指南山比壽崇

南極星依玉座明
壽昌有象瑞光呈
華封早獻三多祝
嵩岳遙傳萬壽聲
四海永清綿歷祚
一人有慶樂昇平
普天率土禎符集
會見彭錢進

雉羹

海屋籌添寶歷昌趨庭拜獻九如章椿陰覆砌
春秋永桃實登筵歲月長蒼舞衢歌申頌祝龐
眉鶴髮應嘉祥承恩膝下瞻依切願進瑤池萬
壽觴

恒

親

王

治化原從久道成堯封萬物盡由庚彌天湛露
卿雲布匝地琪花瑤草生卷舞百般熙皞象衢
歌一派太平聲須知此日稱觴處早有仙人下
玉京

南北東西開壽域聲名文物擁天街德高碧落
原無極歷溯丹源豈有涯春暖苑花添爛熳風
和巢鳳語雖喈撫時自具長生樂不讓蓬山景

獨佳

欣逢甲子初周日五十餘年國步康但省河清
還海晏足徵地久與天長慶同遐邇歡呼徧樂
出家庭笑語詳孺慕至情思自達敢將春酒祝
無疆

淳

郡

王

佳辰雲物轉昭回天上人間壽域開
苑樹花深三月令宮筵酒滿萬年杯
九重曙色升如日六宇歡聲殷似雷
棗薦盤麟作脯一時捧入紫宸來

日暖風和玉燭調千官劍佩共趨朝
黃雲上覆天堦迥紫氣高凝帝座遙
御仗兩行分羽衛仙音一派奏簫韶
不才幸預多男數喜共華封更

祝堯

宿緯星經表瑞繁老人光映紫微垣何須仙掌
承膏露仰見皇心是醴源曉日徧浮千戶旭春
風都為一人暄循環甲子長無盡貞下從今又
起元

八

貝

勒

復旦光華煥九天五雲紛郁抱爐烟相隨獻壽
依仙陛長得承歡近御筵北斗杓旋春六十西
池果熟歲三千璇圖寶厯膺無極大德由來享
大年

和風瑞日啟芳辰闕下衣冠拜紫宸錦繡花明
朱檻畔琉璃波暖碧湖濱八荒開域皆為壽兆
姓登臺總是春分依子臣恩更厚願將遐算祝

君親

春臺熙皞即瀛洲花甲循環始一周日下歡聲
騰鳳闕人間喜氣集龍樓清寧交泰成三極參
贊無遺協九疇託體恩深惟抃舞長瞻聖壽與
天侔

九

貝

子

南極光輝煥紫宮歡騰率土盡呼嵩至仁覆育
羣生樂大化鈞陶庶類融六籍精微歸帝德兆
民懷保屬皇東法天行健同天久億萬斯年聖
壽崇

巍巍峻德邁三皇浩浩深仁徧八荒治洽無為
參造化心包太極運陰陽名言莫贊乾坤壽妙
手難摹日月光恩合君親同覆載瑤池長捧萬

年觴

海晏河清協永年
衢歌巷舞樂生全
眼看至化超堯舜
心喜遐齡並地天
威德互施弘覆被
剛柔迭用普陶甄
聖人自有長生德
紫禁祥光映斗躔

敦

郡

王

上日榮光徹紫京十洲仙筴益蓬瀛瑞逾興慶
千秋節頌溢嵩高萬歲聲紉縵雲垂歌燦爛壽
昌星現協昇平恭講喜奉天顏近早向瑤階供
玉觥

五紀純禧萬福同宏謨駿烈柱蒼穹戢寧弓矢
垂衣外羅絡苞符指掌中錫極和平尊睿德體
元乾健亮天工聖恩浩蕩寰區徧鳳歷遙占軼

帝鴻

萬國衣冠拜玉墀青陽淑景駐鸞旂令和斗建
司辰月春永虹流毓聖期雨露深霑巢鳳閣鶯
花飫醉濯龍池承恩跂咎睢麟澤歲採金桃貢
瑞芝

十

二

貝

子

寶殿歡開介壽觴
蓬萊佳氣駐春陽
日融丹仗
龍旂暖花繞彤墀
鳳宸香華渚
流虹欽誕昊康
衢擊壤邁歌唐
綵衣侍宴天顏喜
慶自宮庭洽
萬方

禹圖軒錄運璣衡
帝德恢宏協拜賡
赫御琬戈
寰宇奠靜調玉燭
泰階平體乾宵旰
持兢業保
豫修和集阜成
花甲始周純福茂
聖人有道自

長生

作述淵源冠古今
紫闈典訓飭嚴箴
光騰紉繆千秋業
暇祝升恒四海心
澍澤敷天揚赤管
薰風入律播清琴
無私篤被皇慈懋
尤比臣鄰舞抃深

皇

十

三

子

日麗瑤堦
萸英抽卿雲
燦爛繞皇州
人間鳳歷
三春轉天上
龍飛六甲周
樂奏簫韶供
燕喜尊
陳桂醕坐優
游綵斑叨侍
金鑾側欣覩
無疆第
祿道

天遣神皇致
太平文謨武
烈迥難名聲
靈屈遠
風雷動袞冕
當陽海嶽清
五夜奎章騰
瑞靄萬
幾乾健協輿
情勲華直與
唐虞並久道
年來已

化成

黼宸臨軒斂福長螭坳錄瑞不勝詳香縈紫氣
霏金殿花引紅雲護繡裳率土祝釐均雀躍盈
庭頌禱起鵷行瞻依倍荷生成德介壽年年樂
未央

十四貝子

瑞日榮光泰運宣
斗樞繞電啟中天
律諧姑洗逢佳節
祝起華封慶大年
萬里恩波周赤縣
六旬功德萃瑤編
春風輦路追隨近
無限芳菲遶御筵

九有騰歡祝聖人
車書海外並尊親
參天大業原天縱
法日精修復日新
花甲萬周旋御歷
條風四被徧陽春
笙歌鳳吹盈丹陛
喜溢千官拜

舞頻

昇平物象總亨嘉
聖澤遐宣未有涯
極建中和成位育
春從九五到鶯花
萬邦化洽唐虞治
六合光分日月華
鸞鶴紛紛隨步武
蓬瀛勝事集天家

皇

十

五

子

運協昌期淑景開羣生熙皞躋春臺苑中麟鳳
千祥集闕下共球萬國來表裏金湯常鞏固文
明雲漢自昭回歡呼正值添壽日願借東瀛作
壽杯

蓬萊宮殿五雲中太液深波暖更融草木恩光
流湛露河山佳氣展仁風渾忘帝力人多樸共
樂康衢歲屢豐千古昇平今日會天教純嘏萃

皇躬

聖歷綿長億萬年一周花甲喜開先
仙桃燦爛方舒藥海日瞳矐始麗天
文德武功齊入舞宸章寶訓幾成編
趨庭共愜承歡意無限春風繞御筵

皇

十

六

子

慶霄壽域闢天閭雲日增輝麗景長十二璇圖
初滿甲八千椿算正當陽吹璈暢叶韶簫奏舞
綵初依寶鼎香一體子臣銜帝澤九如詩侑萬
年觴

詢岳咨揆莅紫宸盤盂儆戒益懷新九疇啟維
傳靈瑞五老榮河感聖神乾御勤勞先百辟巽
風仁壽浹蒸民普天華祝純禧茂藹作雍和四

海春

銀潢韋託侍瓊筵恐負生成稟訓虔日覲龍顏
恩並熾歲占鳳紀福如川貞符懋行無疆歷淑
氣常徵大有年忻傍彤闈承戩穀棠枝蕃錫慶
綿延

皇

十

七

子

拜舞稱觴紫禁中
八方臣庶共呼萬堯堦永曜
舒長日禹甸均披長養風民賴一人真有慶身
膺萬福總來同趨庭每覩天顏喜多為時和歲
屢豐

治定功成樂太平
彌殷宵旰軫蒼生恩膏廣沛
三春澤和氣全消四海兵共仰謙光尊帝德獨
純乾健協天行遙知漠北交南外盡是華封頌

祝聲

鯉庭聞禮復聞詩自愧沖齡鮮所知提命時時
煩睿慮生成日日荷天慈典謨垂訓千秋寶雲
漢為章萬世師夙夜祇遵勤砥礪承歡常喜傍
龍墀

萬壽盛典初集卷六十一

欽定四庫全書

萬壽盛典初集卷六十二

歌頌二 大臣一

恭祝

萬壽詩 七言律二首

戶部尚書加三級 臣 張鵬翮

南極星輝映紫宸
乾坤齊壽德相親
九重天上來和氣
五色雲中拜

聖人金殿爐煙浮瑞靄玉階紅日麗陽春臣民共效華

封祝億萬斯年頌至仁

其一

太平天子壽無疆萬國萬呼玉歷長久道化成逢令節

梯山航海共稱觴笙歌徹路迎僊仗朝野懽忻
祝

聖皇此日

龍顏真有喜萬年春色滿朝堂

其二

萬壽詩

七言律十二首
有序

經筵講官刑部尚書加一級臣胡會恩

欽惟我

皇上峻德神功統天御世道傳河洛綜法象以成能恩
浹孩提徧臣民而錫福並神堯之廣運婉宣聖
之大成保合太和五十餘載茲當癸巳春王三
月恭遇

聖壽六旬龍德健而百祿膺華甲周而一元復率土屆

升恒之運含生逢熙皞之春猗惟嘉祉方新式
慶

大年伊始歡騰華祝喜溢衢歌九譯梯航羣黎抃舞臣
會恩受

恩深重垂四十年久依

清禁之光莫報

皇穹之德願言億歲長賡純嘏之篇每歷十齡並進維
祺之頌謹拜手稽首敬賦

萬年天子詩十二章上呈

黼座

一人久道奏昇平治洽和恒益勵精百代圖書歸

聖學普天耕鑒注

皇情儉勤盛德能居泰寅畏深衷若捧盈無逸從來臻

上壽

萬年天子體乾行

其一

郊壇肅穆儼居歆每歲欣瞻

翠輦臨冬饗即時霏瑞雪春祈應候灑甘霖頻親獻
侑躬適健屢荅豐亨志益欽至治馨香潛感格
萬年天子洽

天心

其二

皇朝謨烈古難儔

上聖膺圖慰作求繩武良規侔創業薦馨嘉德永凝庥
思通櫛沐經營遠道在恢弘典則修率土歡心
孚陟降

萬年天子廓前猷 其三

璇宮問視藹春暉
福履交綏自古稀
五紀承歡儀物備
九州尊養景光依
瑤齋梅馥霞觴暖
丹嶠芝榮寶籙輝
麟趾繩繩齊介福

萬年天子奉

慈闈 其四

君師兼總振弘綱
覺世誠民聖統彰
理貫義爰思特睿
心傳虞典治彌光
陶鎔六籍尊洙泗
綜

攬諸儒重紫陽海寓同風趨正學

萬年天子道退昌

其五

饒歌屢奏萬方平赫濯聲靈暢八紘虎旅勲高

由

睿算龍荒膽懾為

親征良時清晏恒籌遠至計綢繆在恤兵干羽格苗同

舜世

萬年天子武功成

其六

彤庭著作萃琳琅手闡苞符駕百王律厯真源通象
數詩書精義發文章銀毫勁正喬松幹寶畫昭
融旭日光羣仰奎躔徵

聖壽

萬年天子永當陽

其七

官方澄肅勵朝紳激濁揚清注念真廉法共期
心似水光榮長被澤如春寶書玉饌承

恩渥桂苑芹宮濯志新壽考作人昭曠典

金上八日 卷六十二
萬年天子福臣鄰

具八

民依常徹

九重尊南北河渠碩畫存稼閭十千行畎澮賦蠲億萬
惠黎元丁徭額定施仁永戶口書增錫慶繁長
享太平歌壽愷

萬年天子歲頌恩

具九

好生仁德並蒼穹勅法原情衆志通每奏丹書

煩乙夜

親裁玉律見清衷三章克慎加勤恤五聽惟詳勗在公
盛世祥刑元氣浹

萬年天子慶咸中

其十

中朝威德播遐陬王會來同淑氣稠波靖蛟宮
澄島嶼風清雁磧闢田疇遙輸貢篚通重譯式
廓輿圖大九州寰宇一家真盛事

萬年天子受共球

其十一

欣逢虹渚耀嘉祥

天錫遐齡歷數昌草木並知春浩蕩翾蠕爭愛日舒長遊
衢叟効三多祝望闕家薰百和香忝附清班颺

景福

萬年天子壽無疆

其十二

萬壽頌

有序

原任戶部尚書

臣

王鴻緒

皇帝御極之五十二年春三月為

六十萬壽之辰王公卿士四裔列藩之長雲集

天閭踴躍歡忭共效嵩呼薄海內外黃童白叟以及婦

人女子莫不巷舞衢歌家誦戶頌

臣

鴻緒夙忝

九列兼直

內廷仰覩

聖天子盛德神功曠古無兩茲雖跼伏里閭而詠歌太

平實臣職分用敢率先南省耆民匍匐

輦下敬舉

萬年之觴

臣

惟箕子之陳洪範曰皇建具有極斂時五

福而五福之首曰壽小雅江漢之篇曰矢其文

德洽此四國而歸之以天子萬壽孔子贊舜之

大德而推言之曰必得其壽蓋至道格穹歷年

斯永天人協應理所固然我

皇上懋千古帝王莫並之德則必臻千古帝王莫並之
壽臣請據實以徵焉帝王之大德曰孝周武纘
緒受命孔子稱其達虞帝五十而慕孟子贊其
大蓋綦難已我

皇上誕膺寶錄肇造鴻圖拓

太祖

太宗

世祖神戈未定之疆宇成

皇家一統無外之規模苞蘖盡除清寧永奠文謨武烈
炳耀千古豈止秉鉞商郊僅承先志至於園丘
告虔明堂宗祀一歲再舉必躬必親典禮洽於
肅雝馨聞達於殷薦而且奉養

慈闈懋昭愛敬備萬方之玉食博

壽母之歡顏定省寢門不渝寒暑自

冲齡踐阼以至於今孺慕之誠如一日重華齋栗何以
加茲是

聖孝之聿修者至也帝王之大德曰仁顧澤有廣狹時
有豐嗇成湯拯夏衆於塗炭之中文王綏商民
於頰尾之際來蘇志頌孔邇興歌時處其困易
為澤也我

國家運際雍熙閭閻康阜乃

皇上咨求民隱未饑也而思食之未寒也而思衣之圖
耕織以教其勤發倉廩以濟其乏猶且寬徵已
責無歲穫有數盈千萬復

大頒渙汗廣沛恩膏盡蠲天下之正供悉免歷年之逋
賦期均三載惠普萬邦官省催科農恬畝穰
穰皞皞四海盈寧其濟衆之博如此而

節儉是敦衣御浣濯嗇一已以裕天下非愷悌宅衷
烏能若是是

聖仁之漸被者大也帝王之大德曰知知非小用之謂我
皇上聰明天亶睿思通微事無難易物無鉅細皆燭照
數計朗然在懷而

好問好察劑量極致以歸大中

詔旨一出洞鑒毫末且

萬幾決於俄頃千慮折以片言謀畧所周動及百年必
世非所謂清明在躬志氣如神者歟若夫虞帝
創璿璣之制姬公著周髀之經圓弧之象難窮
勾股之術未顯我

皇上妙析靈機深入無間究三角之形立八線之表方
圓極其變參伍盡其神大如山岳小如銖黍遠

在萬里近在一室高至九天深至九淵不煩隸
首坐測而得是

聖知之開先者弘也帝王之大德曰文虞書之頌放勳
周易之繫西伯尚已篤生我

聖皇蘊經天緯地之才裕金錫圭璧之質生知不恃古
訓是耽奧義研於六經閱論稽於羣史而尤以
綱目準春秋之法性理洩圖疇之秘奉尼山為
折衷据紫陽為標的原原本本統彙於心由是

發為文章無非至理

御製前後四集詔諭詩賦紀序論說無體不脩無美不
臻出典入謨含風吐雅允足邁堯文而超姬易
矣顧猶採訪先哲遺編搜羅百家異本開設館
局延集儒英計天文地志以暨音韻字學詩詞
書畫論次千百年纂撰數十種悉出

聖裁津梁後學兼復

幾暇臨池龍翔鳳翥翰墨之精直使漢帝扶輪唐宗

承蓋是

聖文之丕煥者隆也帝王之大德曰武禹征湯誥泰誓
常武詩書所載鋪張赫濯但僅在中土未聞遠
駕我

皇上智勇天錫用兵如神殄察罕而朔陞寧誅三逆而
南徼靖籍臺灣而漲海平臣喀爾喀征厄魯特
而漠北永清撫俄羅斯收打箭爐而天西大定
附塞諸部受封爵者五十家絕洋遠人重譯而

至者數萬里田官設於邊外牧地開於沙表烏
桓濊貊為蒐狩之隩區天山瀚海設士馬之郵
傳有銷烽弛柝之安無變容動色之慮謳歌徹
華裔聲教徧垓埏是

聖武之布昭者赫也帝王之大德曰寬天以好生為心
覆物為量

皇上奉天出政禮以御下善以養人崇簡去繁任賢蓄
衆百寮師師咸式其序鹿鳴以示慈惠天保以

頌聲宜一堂喜起賡歌再見即或有牽於吏議
觸於文法小臣則曲假以自新大臣則保全其
終始又

念鴻儒碩士抱藎懷書棲遲丘園罔由自達乃廣鄉會
之選增生徒之額恢薦舉之門闢召試之路復
允興請重開一科作人之法盛於成周已至若懸布象
魏律令修明金科玉條萬民祇守懲秦法之秋
荼崇湯網之疎濶厝而不用以德導之洽於民

心蒸蒸日上和氣所被休徵畢集是

帝德之克寬者廣也帝王之大德曰信易言有孚盈缶
傳言信以成義義以成命天下未有誠信不孚
而為下土所式者我

皇上立誠以御宇坦白以示衆推心置腹不猜不疑故
萬國歸懷殊方託命罔不翹首內向奔走恐後
至行一政發一令

籌之深宮參之羣議或經累月逮權衡既審

綸綍聿宣雖歷數十載守之不變畫一清淨下用不攜
是

彰信於兆民者遠也帝王之大德曰敏我

皇上法天行健乾惕自強六龍時御雲行雨施自秦晉

河洛周歷萬里

清問下民湛恩汪濊而江浙地廣賦稠尤加

軫恤疊荷

鑒輿之至止頻施膏澤於非常而經營清口指示挑壩

逼黃流於北岸引淮水以暢行昔之漕艘逆排
觸浪動經旬月今沿波十里即達中河利國利
民皆由不憚

時巡親授方畧所以地平天成大功立奏是

聖德之勤敏者茂也帝王之大德曰公昔子夏問三王
之德於孔子孔子告之曰奉三無私以勞天下
蓋言天無私覆地無私載日月無私照也我

皇上德懋懋官爵祿所加惟其賢功懋懋賞賚予所及

惟其績舍已從人平康正直惟其義故奉行於
下者偏黨悉化遵道遵路以近

天子之光是

大公之服物者溥也帝王之大德曰謙然有其實者不
辭其名五帝祇命皆修封禪夏禹成湯踵行懿
烈降而漢唐勲業雖遜於前而盛事猶傳於後
我

皇上道叶二儀恩覃九有巍巍蕩蕩古無與侔即躡梁

父登太山封金刻石增高附厚顯報告之德意
揚英聲於無窮誰曰不宜

天子顧遜謝未遑也數載來廷臣之情抑而未伸乃倣
太祖

太宗之盛烈援漢唐誼辟之故事以為世運邳隆黃圖廣
大遐島奉珍幽荒獻賁河清海宴府修事和真
千載之一時勤勤懇懇請建

尊號至再至三乃

手諭堅辭欲然自下務修實政不事虛文是

聖德之謙沖者切也夫孝塞天地仁敷動植知察倫物
文被區夏武定要荒而又寬如江海之有容信
如四時之不爽敏如陽曜之周行公如造物之
無頗備茲懿美猶謙以自牧道光宇宙臣敢昌
言於天下曰我

皇上之德聖矣神矣自生民以來莫有竝焉者矣所謂
莫有竝者非泛設之辭無稽之說也古來以生

知之聖而居天子之尊者首推唐虞二帝然舜以六十升庸而

皇上正位凝命仁滂施厚深入於民心者已歷數紀是恩澤百倍於舜矣惟堯嗣位之早畧與

上同然考當日荆揚南境皆在五服之外則民不霑化者已多茲地大於陶唐則恩加於百姓者愈廣以為遜美

今日也固宜然則均為生知之聖而我

皇上功德之盛百倍於堯舜則受

天之眷佑者亦必百倍於堯舜此又可援古訓以決之矣
易有之視履考祥其旋元吉傳有之九德不愆
故襲天祿詩有之聿懷多福厥德不回又云昌
而大耋而艾萬有千歲我

皇上聖躬強固精神充裕光輝篤實博厚高明如乾之
不息如恒之不已繼自今久安長治天祿永綏
以

至聖而膺上壽殆與五岳比寧三皇比年何待探符籙
而始信哉謹作頌曰

惟

天誕

聖惟

聖承

天仁敷萬姓惠普八埏東西南朔無思不服自老及幼既
生既育

登阼以來五十三春

帝齡周甲歡聲雷震遠而省會近而

輦轂內而郊圻外而屬國或公或卿或侯或王庶僚

百執奉圭

帝閭野有高年載白其首扶杖千里來祝我

后煌煌

鳳闕逢逢鼓鼗爐烟之裊結為五雲鵷班列左旁冠

列右欽

帝功德古未曾有

帝德維何鑄虞甄唐欽明濬哲光被萬方

帝功維何手靖沙漠華夏敕寧兵銷民樂民樂於野咸

歌大田歲歲蠲租萬萬千千藏富於民民用饒

治擇人牧之小廉大法人以賢升連茹彙征菁

莪棫樸際此休明治定功成彌勤於政

鴻號不居日躋

聖敬道崇洙泗學闡紫陽為典為謨煥乎文章凡我臣

庶並荷陶淑廼生廼植受

帝之福六合一家萬國

一人率土胥頌文武聖神溯自開闢迄今億載獨集大成允符真宰貞元之運

聖厯之昌治化之盛第祿之長何以紀之稽首拜手曰
我

聖皇與天齊壽

萬壽盛典初集卷六十二

欽定四庫全書

史部
萬壽盛典初集卷六十三至

詳校官宗人府府丞臣富光鼎

編修臣程嘉謨覆勘

總校官知縣臣楊懋珩

校對官學正臣李巖

膳錄監生臣任嘉春

欽定四庫全書

萬壽盛典初集卷六十三

歌頌三

大臣二

恭祝

萬壽詩

百韻每韻以萬字祝有序

原任禮部尚書加一級今致仕臣許汝霖

竊聞三統稱皇五德號帝迓天庥者百千歲垂
聖治者萬億年要皆以健行不息之純衷為永

命無疆之景福是以宏猷光被錫遐厯於蒼穹
久道化成凝貞符於紫禁禎傳史冊瑞炳丹青
然徒披往牒而興懷孰若際

昌期而拜舞欽惟

皇上

德贊生成

勲兼創守

虔將

郊廟敬誠通祀饗之先

尊養

慈寧視聽凜形聲之外

宵衣旰食軫物力而廛民依

右史左圖飭官方而敦士習

揆文則揮毫萬象開兩間未洩之藏

奮武則仗鉞三驅拓亘古不臣之域奉玉帛者不啻

千八百國垂衣裳者已歷五十二年然猶

咨敝維殷

恩施倍篤

闢魏科以宅俊

崇正學以尊儒

蠲賦徧於九垓

祥刑周於八表而且

發一令興一事無非以恭儉為先

置一吏設一官未嘗不法廉交敝於是大化翔洽厯

數彌貞同日月以升恒並乾坤而覆載茲值三
陽既泰正逢六甲初周霽旭瞳矐萃蓬瀛之淑
氣卿雲糾縵籠閭闔之祥輝風暖柳縈露濃花
妥奏咸英於鳳凰樓下喜徹重霄施絜續於韎韐
隊中懽騰絕塞加以謙能集益誠愈徵悠殷宗
之歷祚攸長總期無逸周后之錫齡甚富要在
靡遑誕播

德音務崇實意朝乾夕惕何誇華祝衢歌吏肅民安不

羨鳳儀獸舞頌

溫綸之藹藹湯盤禹鼎難幾仰

峻德之巍巍舜日堯天永戴臣汝霖一介蒙恩七旬致

政感銜舊秣雖伏櫪而嘶風依戀榮光每傾心
而向日幸遇

天開壽域

鼎命長凝欣瞻人樂春臺

泰階共賀敢效躋堂之祝聊呈擊壤之謠韻叶百言

如同川至句吟萬字竊比山呼謹拜手稽首而
獻詩曰

皇建有極錫萬方得一以貞萬禩昌萬年景運正當陽
春融萬象啟混茫萬星北拱

帝座旁南極輝聯萬曜芒萬祚化日舒以長普天齊稱
萬歲觴觴稱萬歲歷顯藏萬彙重舒天地房資始萬物
乾道剛資生萬物坤道常

一人首出振萬綱參天兩地萬紀相化成萬姓仰垂裳

遐稽萬代誰頡頏震雷鼓萬解澤滂異風吹萬
渙號煌貞憲考度萬績康漸仁摩義萬俗匡賢
良萬選士氣昂黜陟萬當官方彰文超萬古

聖謨洋詩含萬籟

帝歌颺挿架萬籤輝縹緗揮毫萬紙珍琮璜萬寓同文
邁虞唐萬區振武駕禹湯三逆肆靖讐萬荒縱
橫萬陣掃欃槍親驅瀚海萬慮詳萬部稽顙皆
來王從茲萬衆悉安攘乃偃萬騎橐斧折東西

南朔

萬乘翔共球
贊帛萬國將
河清萬象息
築防海晏萬艘

貢篚筐萬里

威靈風泱泱萬頃

恩波露瀼瀼
萬類咸若慶
雨暘萬寶告
成屢豐穰
杭稌黍稷萬
斯箱萬億及
秭溢千倉女
紅萬杼織
七襄瀕海萬
竈煮瀛滄
貿遷化居賈
萬櫓考工
萬匠貯棟梁
萬畝頻減賦
與糧逋負踰
萬蠲勿

償肆赦萬民措析楊恩施萬疊澤瀉汪養老表
貞旌萬鄉崇儒重道飭萬庠萬世師表摛

天章高碣萬仞示周行大賢嗣續萬宮牆大儒躋祀萬
烝嘗特闢賓興萬夫望併拔千城萬旅揚萬戶
絃歌雜耕桑萬官黼黻贊巖廊萬禮既洽欽顯
卽萬舞樂奏諧宮商鐘鳴萬石擊鼓鏜萬聲作
止何鏗鏘咸秩萬祀無遺忘綏以萬福答臙腳
萬呼萬丈徹天閭日升月恒納萬祥祥納萬籌

閱星霜萬卉當春吐芬芳先甲逢癸萬揆臧將
午建巳萬紀張歷宗辰月萬人慶律中姑洗萬
花香萬周花甲從茲倡化萬育萬萬未央萬枝
瑤草賁蒼簞萬斛丹砂映碧萑萬絲煙柳裊康
莊萬轉宮鶯和笙簧鳳麟萬族効趨蹌梯航萬
里奉珪璋萬域羣登

天壽坊萬呼萬祝萬難量萬仙拜舞獻瓊漿萬龍奮翼
萬馬驤魚藻萬詠徧清浪柏梁萬和叢琳琅

語誠萬言示弗遑實意敦行萬事強

萬幾時勤宵旰忙仁育萬民答穹蒼晨昏萬安

慈寧傍本枝萬葉慶一堂萬邦賡拜頌明良萬載昇平仰
榮光萬八千歲邁九皇壽維

萬壽壽無疆

萬壽詩七言律四首

都察院左都御史臣趙申喬

欣逢

龍德正當陽甲子新周慶未央
八表和風調玉燭九霄
瑞露燦瑤光南諧北燮梯航集
海晏河清日月長

萬歲嵩聲騰率土紅雲高捧

御爐香 其一

光華復旦泰階隆久握貞符運化工海宇昇平
惟

帝力

宸衷宵旰即田功茅簷到處春風暖
蒞榜重開雲路通

正是艷陽登壽域普天人在慶霄中

其二

歷服無疆跨禹甸乾行不息並堯年
武功赫濯除三孽正學淵源匯百川
六氣均調玉琯定萬幾清暇墨華妍

聖明天縱超皇古心契庖羲一畫前

其三

圖陳王會已開先彩鳳銜書徧九埏曉日早迎
仙仗上晴霞遙映

御衣鮮扶筇野老瞻

丹陛擊壤衢氓捧玳筵封祝幸陪鵷鷺列敢隨率舞

聽鈞天

其四

萬壽詩

七言排律六十韻
有序

經筵講官吏部侍郎官侍郎兼翰林學士 臣 王頊齡

臣聞頌禱之作起於華封人之祝堯其後尚書
曰欲至萬年而形為詠歌被諸金石則自三百
篇始天保六章世所稱九如之頌也他若江漢
之詩虎拜稽首以對揚王休一則曰天子萬年
再則曰天子萬壽而假樂卷阿諸什保佑天申
彌性純嘏惓惓忠愛之情溢於聲韻讀者於是

知享國之長久而君臣相與泰交之美亦因之
具見焉我

皇上御極以來勵精圖治武功文德義問仁風以內聖
而該外王以守成而兼創業治登上理運底太
平歲稔時和民安物阜唐虞三代之盛未足比
倫真所謂千載一時不易逢之良會也五十二
年之春恭遇

六旬大慶乾行不息陽德方亨

聖壽無疆天休滋至朝之百工野之兆姓以暨塞外遐
裔海表介鱗罔不拜舞

闕庭祝

聖人之多壽

臣

頊齡久塵

禁近謬廁卿班仍世蒙

恩一門荷

寵歡呼爵躍倍萬恒情竊不自揆遠采雅歌遺意參用
唐人近體謹製七言排律六十韻恭呈

睿覽以附於塗巷之謳吟

蓋天宏庥

無前偉績非臣愚陋所能頌揚力不宣心曷任惶愧詩

曰

萬年天子享豐亨

誕聖昌期屬慶成華渚流虹長彩色康衢擊壤徧歡聲

龍飛寶祚初周甲鳳歷新編值後庚

後庚三日曰
癸本易疏

歲在

昭陽蘇品彙律諧姑洗中韶韻升恒日月歌難

老開闢乾坤遡

篤生曠古神靈真獨絕格天勲業底無名承

先繼志光謨烈事

帝齋心凜旦明

色養宮闈同孺慕類推臣子被光榮智周萬物先柔

遠慈覆羣黎亟撫惇圖繪豳風教夜織園題豐

澤省春耕每於成賦寬三壤直使流膏浹八紘

恩詔蠲租兼沃土義倉儲穀滿高甍閭閻不識官徭擾

雞犬全無薄吏驚懷保豈徒綏集雁又安早已
翦長鯨西南絕徼銷氛祲朔漠殊庭洗甲兵渤
海提封收版籍流沙小醜就縻纓布昭

聖武推神算允塞

皇猷播濯征

北伐總因柔遠出

南巡只為閱河行胡通洪澤雙流合堰築高家萬丈橫
雪浪捲淤趨巨壑雲帆銜尾轉香梗海疆悉比

中邦奠天庾常侔內帑盈並鬯百嘉滋雨露咸
熙庶績飭公卿

萬幾多暇披千卷

乙覽忘勞達五更經旨折衷歸畫一聖言探賾闡崇閎
天人統會根源徹歷律微參奧妙呈片語盡堪
垂舜典載歌寧許嗣陶賡日華雲爛光輝遠地
緯天經氣局宏捧讀

宸章絨寶玉頒行

御集刻瑤瓊墨林游藝三才彙編几揮毫萬象縈抉石
奮雷軒筆勢跳龍卧虎冠書評鋒藏鐵畫如山
鎮跡煥銀鉤似壁瑩秘省縹緗駢冊府禁闈風
日敞蓬瀛網羅百氏分曹纂鱗次羣編協力并
親授規模虔仰奉

手加刊定息紛爭前賢肯綮無藏蘊後學津梁有法程
文治光昭天列象士風振起

帝持衡典隆籲俊朝連茹禮重求賢野食苹歲舉兩闈

彰異數科開

萬壽集羣英羽儀可用看鴻漸好爵同縻聽鶴鳴學統
具俾尊孔壁

道心長自見堯羹要歸正派宗閩雒升配真儒肅廟
黌

天德渾全私盡滌

皇衷寧謐物難撓風移俗易緣更化業廣功崇益勵精
磨鈍國維頻振挈析幾心鏡極澄泓四時玉燭

俱含耀六合金甌永不傾勝日卷阿間泮奐隩
區靈沼稍經營龍荒萬里恢邊境鵠塞千盤護
帝京烏嚙笙歌花匝匝山環屏障水洄潨馬官草地司
屯牧蕃部秋原備使令射獵馳驅揚武節山莊
吟詠適

皇情乾剛豫動身逾健頤養隨時體自貞勤儉為貽千
葉訓寬仁專字八方毗祈天永命符元化保泰
持盈出至誠薄海九州遙奉朔越裳重譯共朝

正六句

聖節高龍壽三月韶光溢鳳城南極北辰齊景曜東鵲
西鰈應休禎流謙屢却

尊稱上惜福惟將善氣迎八表祝筵歌頌滿九霄仙樂
管絃清翺蠕也獲嬉麟囿芹曝無嫌捧兕觥

萬歲嵩呼同振響天長地久世昇平

萬壽盛典初集卷六十三